



集部
南運稿

一卷

一册

南還稿

六月二日出都作

承 詔賜休退整駕念徂征出畫心已結辭

天骨猶驚竚立獨踟躇淚落忽沾纓上戀 聖
主恩下懷知愛情遠樹千重隔滄江雙櫓鳴路
岐方浩浩紛思何由平

其二

補理漸無術上負 明主恩揣已日思退舍然

不敢言茲辰荷 皇命獲返南邦轅如彼麋鹿
姿放之逐丘樊萬物何芸芸代謝歸其根此道
古所存出處本同源

其三

羣公勞相送冠蓋紛城隅晨霧隱危堞清川臨
廣渠夙昔蒙知愛執別或歎吁別言不及私努
力在公車才傑侍 天階賤子山澤居

其四

祝融司夏令時正入三庚居家已難度况此遠
道行人生那自定跡比鴻泥輕流坎應有數莫
問陰與晴鳴檝從茲逝悠悠江海情

其五

青雀來雲中言自蓬仙側緘詞悵遠離綢繆意
無極勉我以加餐對案不能食寒暑人事移讀
之三歎息唯持松栢顏以慰心所憶

其六

馬牛服耕乘積歲已云疲主人未忍棄顧已良
自知勉欲效馳驅筋力弗可支言念芻秣恩永
負天地私

其七

疾風吹驚濤百谷皆號怒蛟鼉紛出沒天吳屢
掀舞恍若撼地維走避莫敢顧杲日萬里明豁
尔開濛濛人事本難期造物理堪悟可與道者
言夷險安其素

其八

菊冠幸隨計束書來上京
蕊稚氣方銳沼視江湖
輕俯仰五十年辛苦事浮名
世路多險艱風波使人驚
茲遊意已闌無復少壯情
見鳥羨高逝望雲思遐征
雲山遙在夢日數故園程

新水蒲渠各閘通放舟行甚駛

太霄布雷雨一夕河流長
上聲浩蕩忽盈涯
迤遞競移舫一閘復一閘
中流夾飛槳不假役夫

力牽挽勞下上茲行良天幸川涉利攸往歷觴
酌明神再拜謝洪貺

舟行即事

長堤密樹濃於幄細草繁花繡若茵日晚沿洄
那得住不知何處是通津

南旺湖

細雨牽舟拂曙行垂楊兩岸夏鶯聲客愁何處
因忘却樹裏南湖一片明

至徐州

城上黃樓屹可望平聲崇岡如黛水如湯沛公
舊里雲風在蘇老高文琬琰光草樹迎秋時已
改煙波盡日踏猶長夜來一雨添新漲正趁安
流過呂梁

是過徐州呂梁二洪章水部汝槐以舟來

迎部署姚君張君同小酌

泊舟彭城郭始見山蒼蒼放溜下平瀨晨風送

輕航百里俄頃間疾若飛鳥翔繞云度徐洪修
已失呂梁人言此兩洪觀者戒垂堂我行越南
北艱阻既備嘗靜思若有相歷險得所康水曹
遠宿迓別久愛同鄉因共二三子聊復一舉觴

初入淮口

積水浮天氣混濛淮山遙在杳無中行雲忽散
千江雨拍浪頻吹萬里風聽入滄浪歌漸近望
隨芳草思何窮塵勞愧我年堪歎欲買綸竿學

釣翁

寶應縣

淮水西來第一程江干迢遞見高城曾聞轉戰
紛羣寇早喜綏寧戢五兵引子鳧鷖臨泛好近
人照舫往來輕飄然正有乘槎興目送湖天萬

頃明

揚州

千雉新城臨水頭舊家煙柳古揚州山河勢擁

王畿勝風雨涼生海國秋此地昔應遺勝繁香
生今已得行休南來一月無塵事渺渺雲波記
宿留

望金山

泊舟楊子岸鐘磬上方聞參差樓殿出微茫島
嶼分禪宮仍浩劫人世總塵氛惆悵中流見無
因至白雲

客行歸思劇挂席乘長風梵刹諸天上江流宿

霧中重臨驚歲久舊嘗記誰同霄漢看鴻舉冥
冥去不窮

渡京江風濤洶湧頗恐怖幸以抵岸紀此

長江來岷蜀至此百川聚勢欲趨海門澎湃急

黃任解纜發遠津景光啓初曙始見天宇寬望

望渺無際余一波中萬古一砥柱衛送羅衆

兵盈目遍旌幟戈艦競飛馳疾若縱奔騎雖云

愜大觀臨涉亦心忤言滯滄海潮稍辨京口樹

收港即安流知幸瑞自慰

嘉興與太宰熟翁話別

世情初見難岐路途君一解顏久隔江波
勞迹夢尚憐霄漢接仙班浮雲過眼空湏記倦
鳥松林得共還清言聊可慰不堪惆悵別

離間

七月十二日觀兵于唐樓爲太保大司馬

總督胡公作

我行吳江澳備悉寇所由凋殘漸完復武衛具
飭修唐樓古巨鎮中聚若雲稠遙見晴江上翼
翼兩敵樓是時陳軍旅遍野列戈矛人言司馬
公坐運籌俎籌訓練如有神十萬擁貔貅取足
在州郡不費遠徵求遂令浙直間千里悉安流
六省歸節制起歌謳天子有胡公得免
南顧憂宣王盛德業千古美成周元老任方叔
自足威荆酋請續新田詩爲公歌壯猷

經嚴陵祠

舟行富春渚淥水清人心危石聳煙際遺廟在
翠岑麻澗已一袪高風猶至今嶺雲時出沒沙
鳥一飛沈窅然天地外不受一塵侵

鄱陽湖汎風

鄱湖深且廣積水浮四溟二儀限區域流峙各
分形始見名藩大巨浸津涵滄合沓萃川陸變
惟可神靈我行望鄉國僅止兩舍程歸心正搖

搖柰此五日停大塊吹噫氣朝昏迄無寧淹速
固有數聊用紀所經

絕句

湖上阻風三日住到城惟有一程期回頭美尔
歸飛翼恨不身先去鳥馳

罷政歸吳人居 御賜耆德堂有賦

昔歲營菟裘卜築末湖濱湖上構新堂 賜額
出宸綸堂成已五載自念歸無因茲辰荷

皇澤夙願始由申稅駕及望門一澣衣上塵旭
霽開庭戶鸞雀入筵厚新山川獻明秀雲物麗秋
昊賦中盛文苑嘉會集交親吾生幸云畢退老
終其身願歌擊壤曲庶以同堯民

百祿堂

百祿以名堂 殊典自 天錫家用俾有資歲
給祿百石字字皆 聖旨赫奕載綸勅先王體
臣下恩意至周悉既老仍其祿視與居職一至
於數盈百今昔鮮其匹微生已無庸猶復叨廩
食顆粒民所供一飯敢忘惕永荷 天地私銜
戴何有極

府城忠弼堂作已二十餘年始獲入居寄

城中同好

朱門列子看鸞鏡白首歸來獨幸予出處總由
天意在生成深荷 聖恩餘陶潛自愛新開途
廣德真懸舊賜車最喜新秋涼意足登山臨水

興何如

姑蘇蔘九遠首題山堂有他年玉帶歸之

句乃今猶成之因賦四絕以識其事

三十年來侍禁闈舊溪雲月與心違松關猿鶴
知相待此日真成玉帶歸

鄂客陽春和者稀曾題秀句照山扉當時只作
尋常語敢謂真成玉帶歸

今昨無勞有是非此心元不愛輕肥山靈何用

移文請積歲思歸此日歸

曾作茅堂面翠微嘗因把酒對朝暉習池風景
依然在待得山公謝政歸

初入袁江即事有懷

水清深見底赤繩上袁溪始愛鄉園近
遥觀浦樹齊橘林常岸綠羅逕入叢低
草色侵官道泉聲送稻畦江晴看鷺浴
山暝聽猿啼淳朴知吾土幽潛憶舊棲
村扉多隱竹野飯或蒸藜微志

欣能遂歸塗幸不迷心驚廿載別跡與故人睽
爲報同時似清罇得重携

九日懸中堂讌集

鄉園此日逢佳節對客那能不舉盃杜老未應
悲悵望陶翁初喜賦歸來雲嵐繞郭山能近露
齒含芳菊自開乘興且須酬酪酊起看新月重
登臺

題大守周公勸農圖予始至家見秋穀登

場民皆樂生大守之力也喜而題此

田花初發正初晴處處惟聞布穀聲正是宜陽

賢太守綵旗風裏勸春耕

王政由來在重農使君憂國願年豐昔言此日
民安樂禾黍秋登四境同

食山薯偶作一名山藥其形盤礴色白味

甘溫益人

土種鮮薯似截肪斲之秋圃乍經霜頻年京國

尊鱸意歸向袁鄉日飽嘗

山芋園薯得共嘗野人相贈每盈筐補羸益胃
堪資老却擬袁鄉是壽鄉

食筍

此君天下貴北地苦難植冬筍味所珍藉以供
土食吳儂歲累收輦載致京邑中侍競先新
走使馳數駟但願寄一薦金貴不啻直生居
山郡土產頗盈斥道遠氣候殊質不啻寒栗美

芹思欲獻舉首望宸極

新作溪上小舟

近溪因學置扁舟翫水尋山得自由好是中朝
謝榮寵歸來真作五湖遊

傍城迤邐山圍郡隔岸依稀柳映堂却以行蹤
避塵市擬將幽意寄滄浪

水碧沙明楓葉秋短篷孤棹自夷猶老翁已自
忘機事溪上時來狎野鷗

天外遠峯濃似黛
沙邊澄水碧於苔
西溪來往無人識
北館蕭閒領客來

